



Bosna Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K. Gradašćevića 54, 76 250 Gradačac, telefon 035-369-750, fax 035-369-751, web: www.gradacac.ba

Općinski načelnik

Broj: 02-14-1033/19

Datum: 27.05.2019.godine

Shodno primjenjujući član 100. stav 3. Zakona o javnim nabavkama („Službeni glasnik BiH“, broj: 39/14) i člana 38. stav 1. tačka 6. Statuta Općine Gradačac („Službeni glasnik Općine Gradačac“, broj: 4/08, 5/12, 1/17, 5/18 i 8/18), Općinski načelnik, d o n o s i:

O D L U K U

o usvajanju žalbe ponuđača i poništenju postupka javne nabavke

Član 1.

Usvaja se žalba ponuđača „D&D MONTAŽA“ d.o.o. Brčko izjavljena na tendersku dokumentaciju u postupku javne nabavke – konkurentski zahtjev za dostavu ponuda „Nabavka kompjuterskog materijala“, a za koju je objavljeno obavještenje o nabavci na portalu javnih nabavki pod brojem: 1400-7-1-16-3-17/19 od 07.05.2019. godine.

Član 2.

Poništava se postupak javne nabavke – konkurentski zahtjev za dostavu ponuda „Nabavka kompjuterskog materijala“ pokrenut Odlukom Općinskog načelnika o pokretanju postupka javne nabavke putem konkurentskog zahtjeva broj: 02-14-1033/19 od 07.05.2019. godine.

Član 3.

Ova odluka stupa na snagu danom donošenja, bit će dostavljena svim ponuđačima koji su učestvovali u postupku javne nabavke, te će biti objavljena na web stranici Općine Gradačac www.gradacac.ba istovremeno sa upućivanjem ponuđačima.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke za nabavku roba: Nabavka kompjuterskog materijala, broj: 02-14-1033/19 od 07.05.2019. godine. Procjenjena vrijednost nabavke je 12.820,00 KM bez PDV-a, a nabavka je provedena putem konkurentskog zahtjeva.

Blagovremeno su prispjele ponude ponuđača „R&S“ d.o.o. Sarajvo, „ALFADIVIT“ d.o.o. Živinice i „BIRO COMMERCE“ d.o.o. Odžak. Komisija za javne nabavke je pregledala zaprimljene ponude, utvrdila da su ponude ponuđača kvalifikovane i Zapisnikom o ocjeni ponuda od 17.05.2019. godine preporučila da se potpisivanje ugovora dodijeli ponuđaču „R&S“ d.o.o. Sarajevo jer su ponudili najnižu cijenu, usljed čega je Općinski načelnik donio Odluku o dodjeli ugovora ponuđaču „R&S“ d.o.o. Sarajevo broj: 02-14-1033/19 od 20.05.2019. godine (dalje: Odluka od 20.05.2019. godine). Dana 16.05.2019. godine ponuđač „D&D MONTAŽA“ d.o.o. Brčko je uložio žalbu (dalje: žalitelj) na tendersku dokumentaciju u postupku javne nabavke – Nabavka kompjuterskog materijala, broj: 1400-7-1-16/19 od 07.05.2019. godine.

Izvršenim uvidom u Izvještaj o preuzimanju tenderske dokumentacije od strane ponuđača, utvrđeno je da je ponuđač „D&D MONTAŽA“ d.o.o. Brčko preuzeo istu dana 07.05.2019. godine. Nadležna služba je razmotrila pristiglu žalbu i utvrdila da je žalba blagovremena, dopuštena, izjavljena od strane ovlaštene osobe.

Komisija za javne nabavke u saradnji sa Općinskom službom za opću upravu i inspekcijski nadzor po čijem zahtjevu je javna nabavka i pokrenuta, razmatrala je pristiglu žalbu i također utvrdila da je žalba blagovremena, dopuštena i izjavljena od ovlaštene osobe, kao i da je osnovana.

Žalitelj u žalbi navodi da ugovorni organ nije mogao kao predmet javne nabavke pod tačkom 6. navesti „miš Logitech“ M185, wireless, optical, sivi, 910-002238/2255 ili ekvivalent“ ili pod tačkom 15. navesti „USB WLAN TP-Link 150 Mb TL-WN727N Lite-N n/g/b ili ekvivalent, obzirom da ne navodi minimalne tražene karakteristike čime nije omogućeno nuđenje ekvivalentnog proizvoda. Dalje žalitelj navodi da u Obrascu za cijenu ponude nije data kolona za upisivanje računara sa ekvivalentnim komponentama.

Uvidom u tendersku dokumentaciju ustanovljeno je da je pod r.br. 6. naveden „miš Logitech“ M185, wireless, optical, sivi, 910-002238/2255 ili ekvivalent“, kao i da je pod r.br. 15. naveden „USB WLAN TP-Link 150 Mb TL-WN727N Lite-N n/g/b ili ekvivalent, pri čemu nije postupljeno u skladu sa članom 54. stav (10) Zakona o javnim nabavkama i članom 3. Stav (2) tačka b) alineja 2) Uputstva za pripremu modela tenderske dokumentacije i ponuda („Službeni glasnik BiH“ broj: 90/14).

Na osnov navedenog, Ugovorni organ je žalbu žalitelja u potpunosti usvojio, te je u skladu s odredbom člana 100. stav (3) Zakona o javnim nabavkama donesena odluka kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi Bosne i Hercegovine, putem ugovornog organa, u roku od pet (5) dana od dana prijema ove odluke.

DOSTAVLJENO:

1. Ponuđačima,
2. Evidenciji,
3. a/a



OPĆINSKI NAČELNIK

mr. sei. Edis Dervisagić